

TAN KE IRAPATCISITC NAHA KA KI AKWERITAMIHAKANIWITC NETA TIPASKONIKEWINIK ?

Aka wir neta e ici apitc ka tipaskonakaniwitcik mictahi kictapataniw ke ici tipatcimotc mekwatc e pimotemakanik arimitakosiwiniw anih i oti ka itactahorakaniwiritci.

AKA KA ACTEK KE ISPARIK

Kata nanakatcitakaniwon wewerita kitci actakaniwok kitci pimotemakak aka kitci otamihakaniwitcik aniki ka mitatcik arimitakosiwiniw. Aka kaie kitci koctatikonik awik oti acitc misiwe e kanawapaticatek e tacinaniwok.

TANTE KE KI ICI KOKWETCI-KEMOWAN KA ACTEK KAIE NIN KITCI KISKERITAMAN NIN OTCI ?

Keçpin nataweritamekw kitci witcihihikoiekw werita kitci nisitotamekw ka actek kir oti ke ici miwiwikoin keçpin e ki akweritamihikoin. Matci nte ki ka ici aimihawok aniki ka witcihiwetcik kitacikewinik. Matci ni wirawaw witcihiwewok acitc witapimewok awiriwa ka ki akweritamihakaniwiritci. Matci ki ka witamakok ke ki totaman kitci nakatawerimikoin acitc ka ki witamakok tan e icinakok arimitakosiwinik.

Kitci ki miskaman tante e ici acteki witcihiwewin pecotcik kitacikewinik aniki oti ka ki akweritamihakaniwitcik neta ici nta kanowapata Répertoire des services aux victimes du ministère de la Justice du Canada

<http://www.justice.gc.ca/fra/jp-cj/victim-times-victims/rsv-vsdf/index.html>



Ke ki witcihiwetcik

Kata kata apatanopan kaie kitci ici aimihatcik aniki arotakanak :

- takonike iriniwok
- arimitakosiwikiwamikw
 - ka ici otamirotci tipaskonike iriniw
 - ka ici otamirotcik ka witcihiwetcik arimitakosiwinik

KA ACTERIK KE ICI WITCIHAKANIWITCIK KA AKWERITAMIHAKANIWITCIK KANATA



Ka actek kir ke ici nanto kiskeritaman kekwan. Kitci nakatawerimikoin ke ici witciweiin acitc ke ici natockasoin e ki akweritamihikoin. Anihwe pimotemakan irakonikewin *Charte canadienne des droits des victimes!*



Matci aniki ka ki aimihawok
Canada.ca/victims
pour plus d'information.

© Kitci Okimakew e nikaniptak ota Kanata askik aniki tca e atoskectowatcik kitci tipaskonike iriniwok acitc ka nikaniptak tipaskonikewinik Kanata 2019

ISBN 978-0-660-30582-0
Cat. No. J2-425/2016Rc1-PDF

AWN NIHERIW OTCI KA ACTERIK KE ICI WITCIHAKANIWITCIK KA KI AKWERITAMIHAKANIWITCIK ?

Charte canadienne des droits des victimes!(CCDV) itactaw wir niheriw ka ki akweritamihakaniwitc e ki apinehwakaniwitc kekotc otaiciwerimowinik kekotc otirapatcitawinik kekotc ocoriamik itekera. Kaskina aniki ka ici pimotetcik niheriw acteriw kitci witcihakaniwitcik ote e ki taci aitutowakaniwitc Kanata.

Kaskina awik matci kata ki pimotemakaniwir otc i niheriw ka itactatc CCDV ote mekwatc e taciketc Kanata. Peikon aric kata ki pimotetawok niheriw orakonikewiniw misawatc aka ote mekwatc pa tacikete Kanata kirie kotc ote e ici masinasotc acitc ota kanata e ki taci iciwepasitc niheriw.

Matci ke ki itectamaketcik kecpin aka e miroparinik tipirawe naha ka ki akweritamihakaniwitc kitci icatc wir :

- Onapema ka ki akweritamihakaniwitc
- Owitcitacikemakan asko kirke peiko pipona apitc ka ponipimatisitc
- Onikhikwa kekotc ka kanawerimatic anihu ka ki akweritamihakaniwiritci
- Awen kotc ka kanawerimatic ka ki akweritamihakaniwiritci.

KA ACTEK KE KI ICI WITCIHIKOIN KECPIN E KI AKWERITAMIHIKOIN.

E ACTEK WERITA KITCI WITAMAKOIN :

Actew kaskina werita kitci witamakoin aka ka nisitotaman arimitakosiwinik. Kitci kiskeritaman tan ki ke irapatsiin neta acitc e ici masinatek ke ki ici witcihihikoin. Masinatew neta kaskina ke ki ici witcihakaniwitc ka ki akweritamihakaniwitc. Actew kirika kitci witamakoin tan mekwatc e aitamakak ka ki mamicitataman kekotc tan ka ki ici orakonakaniwitc ka ki tipaskonakaniwitc. Patam aric ki ka nataweritam kaskina mia kitci ici witamakoin tan e aisparik. Actew kitci kiskeritaman anaha otc i kaki akweritamihiskw tan tca e ici orakonakaniwitc. Matci kwecan aka kitci icatc e akosikwen actew tca kitci witamokoiin.

E ACTEK KITCI NANAKATCIHIKOIN :

Actew kitci nanakatcihihikoin acitc kitci natotakoin kecpin e nataweritaman kitci actakaniwok nanakatisiwin kir otc. Tekaci meka nama actew wiec kitci aitotakoin kekotc wiec kitci aitikoin mekwatc nihe e pimotemakak arimitakosiwin. Actew kitci nataweritaman aka wiec kitci masinatek kiticinikasowin acitc actew kitci witcihihikoin kecpin e icaiin kitci atisokeiin ka ki ici wapakeiin ka ki isparik anihu otc i arimitakosiwin.

ACTEW KITCI NTA WITAMAN:

Actew kitci witaman kekwan tan kotc ka ki ici orakonakaniwok tipaskonikewinik kir nte e acotcipariin tan kotc ka ki itactatcik aniki CCDV. Actew kaie kitci icaiin kitci nta witaman tan ka ici wapataman nihe ka ki ici pimoteiin acitc tan e ici takickakoiin nihe ka itaniwok kice patahamowin.

ACTEW KITCI NATOCKASOIIN :

Actew kitci nataweritaman kitci kicikakoiin wirawaw tca kata oreritamok tipaskonikewinik ka mitatcik tan irilik ke actekipan kitci kicikakoiin kata kanawapatamok tan irilik e ki ici akohakoiin ekote ke otc i kiskeritakik irilik ke actatcik kitci mirikoiin. Actew kaie kitci nataweritaman kitci tapwetakaniwok irilik ke kicikakoiin kwecan nama kata nosanetakiniwon.

ACTEW KITCI ARIMIHIWEIN :

Actew kitci mamicitataman kecpin iteritamane nama mia ni ki otc i totakoiin. Misawatc aniki kice okimawinik kekotc ka mitatcik tipaskonikewinik. Takon nihe masinahikan ke nosanetakaniwok tan ke aitotcikatek.

TAN APITC E APATANIK KA ACTERIK KE KI ICI WITCIHAKANIWITC KA KI AKWERITAMIHAKANIWITC ?

Acteriw kitci witcihakaniwitc anaha ka ki akweritamihakaniwitc irilik ke pe pimotetc arimitakosiwinik

- Mekwatc e pimotemakanik kekotc e nanto kiskeritakok ka ki iciwepak patahamowin ;
- Kecpin mekwatc e nosanehwakaniwitc ka ki patahak kekotc e ki pakitinakaniwitc kitci aric nanakatcihihikoin ;
- Kecpin mekwatc ka itactahorakaniwitc aka e asiteritakositc kitci arimitakositc osam e akosiwatisitc kekotc e ki nanto kiskerimakaniwitc aka mia e itik matci kaie wirawaw tipaskonike iriniwok ka itetcik aka kitci arimitakositc.